

INUIT ATAQATIGIIT

INATSISARTUNI



15. November 2016

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Apeqqutit:

1. Ulloq 13-05-2016 §37 naapertorlugu akissummi nr. 2016-115-mi imatut oqaasertalik suli atuutsinneqarpa?

”1.

Naalakkersuisuit 23. oktober 2013 “Immikkoortoq 709-711-mut tunngatillugu atugassarititaasussanut nalinginmaasunut september 2010-imeersunut tapiliussaq aamma sumiiffimmut Kalaallit Nunaata kujataani Kuannersuarni akuersissummut 2010/02-mut tapiliussaq nr. 1 pillugit nassuaat”-mi taamani Aatsitassanut Naalakkersuisuusumit atsiorneqarsimasumi ima allapput:

“302. Pisinnaatitsisummik pigisaqartoq pinngornermik qinngornermik ulorianartunik akulinnik piaanissamut akuersisummik tunineqarnissamik qinnuteqarpat, takuuk immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikkikut imaluunniit ingerlatsivimmi pinngornermik qinngornermik ulorianartunik akulinnik piaanissamut akuersisummik tunniussisannginnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pisussaaffeqarnermik akisussaaffeqarnermillu malitseqassanngilaq, ilanngullugit Namminersorlutik Oqartussanut, Naalakkersuisunut imaluunniit Aatsitassanut Ikummatisanullu Pisortaqarfimmut taarsiinissamik akisussaaffiliissanani”.

Aamma:

“303. Pisinnaatitsisummik pigisaqartoq pinngornermik qinngornermik ulorianartunik akulinnik piaanissamut akuerisummik tunineqarnissamik qinnuteqarpat, tak. Immikkoortoq 301, Naalakkersuisut pinngornermik qinngornermik ulorianartunik akulinnik piaanissamut atugassarititaasut suulluunniit nammineerlutik aammalu killilersuutitaqanngitsumik aalajangersarsinnaavaat. Naalakkersuisut ilaatigut piaanermi ingerlatanut, isumannaallisaanermut peqqinnissamut, avatangiisinut, pisuussutinik atorluaanermut aamma inuiaqatigiinni piujuartussamik iluaquatasumik sunniutaasussanut atugassarititaasussanik kiisalu pisinnaatitsisummik pigisaqartoq Kalaallit Nunaanni Namminersorlutik Oqartussanut akiliuteqassaneroq aalajangersasinjaapput. Naalakkersuisut tassunga ilanngullugu nammineerlutik aamma arlaatigullunniit killilersuutitaqanngitsumik ukiumoortumik akitsuummik sumiiffiup akuersisummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piiarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp. 2 akiliuteqarnissamik (pissarsianit akitsuut) atugassarititaasussanik aalajangersasinjaapput”.

2.

Nassuaammi nassuiarneqartut suli atuuppat?

Akissut:

Qulaani alassimasut issuaanerit Kujataani Kuannersuit eqqaanni nunami kisermaassiluni misissueqqissaarnissamut Greenland Minerals & Energy A/S-ip akuersissutaanut nr. 2010/02-mut tapiliussami akuersinermut piumasaqaatinit toqqaannartumik issuaanerupput.

Tapiliussaq ulloq 3. april 2012-mi atulersinneqarpoq sulilu atuulluni. Tapiliussaq misissuinissamut isumaqatigiissut nr. 2012/02-mut ilaavoq.

Immikkoortoq 709-711 aamma Kujataani Kuannersuit eqqaanni nunaminertaq pillugu akuersissummut 2010/02-mut tapiliussamut tunngasumut september 2010-meersumut nalinginnaasumik piumasaqaatinut tapiliussaq pillugu nassuaammi allanneqarsimasut suli atuupput.”

2. §37 naapertorlugu nr. 2016-115-mi taarsiisoqarsinnaaneq pillugu akissut suli atuuppa?

Akissut ima imaqarpoq:

”Ingerlatseqatigiiffimmut pisinnaatitaaffeqartumut Greenland Minerals & Energi A/S-imut misissuinissamut akuersissummut nr. 2010/02-mut tapiliussaq malillugu ingerlatseqatigiiffik pisinnaatitaaffeqartoq pinngoqqaatinik qinngorernik ulorianartunik akulinnik misissuinissamut pisinnaatitaaffeqarpoq.

Taamaattorli akuersissummut tapiliussaq malillugu ingerlatseqatigiiffik pisinnaatitaaffeqartoq pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfagineqarnissamut pisinnaatitaaffeqanngilaq, naak ingerlatseqatigiiffiup pisinnaatitaaffeqartup uppernarsaraluaraa killeqartumik niuerutigineqarsinnaasunillu pinngoqqaatinik qinngorernik ulorianarutnik akulinnik peqartoq allatigullu misissuinissamut akuersissummi piumasaqaatinik naammassinnissimagluarluni.

Akuersissummut tapiliussamit takuneqarsinnaavoq pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfagineqarnissaq pillugu qinnuteqaammik Naalakkersuisut itigartitsisinnasut. Sunaluunniit tunngavigalugu qinnuteqaat itigartinneqarsinnaavoq, tassunga ilanggullugu politikkikkut imaluunniit ingerlatsivikkut peqquuteqartumik, allarluinnarmilluunniit peqquuteqartumik.

Akuersissummut tapiliussap aamma toqqaannartumik malitsigaa pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfagineqarnissaq pillugu qinnuteqaammik itigartitsineq kalaallit nunaanni oqartussanut pisussaaffinnik imaluunniit akisussaaffinnik kinguneqassanngitsoq, tassunga ilanggullugu taarsiinissamut akisussaaneq.

Tamanna tunuliaqutaralugu Naalakkersuisut naliliinerat suli tassaavoq assersuutigalugu pinngoqqaatit qinngorernik ulorianartunik akullit pillugit innuttaasut taasinneqarneri tunuliaqutaralugu pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfagineqarnissaq pillugu qinnuteqaammik Naalakkersuisut itigartitsissagluarpata Greenland Minerals & Energy A/S kalaallit nunaanni oqartussanut taarsiiffingeqarnissamut piumasaqaateqarnissamut pisinnaatitaaffeqanngitsoq.”

(Inatsisartuni ilaasortaq Kalistat Lund, Inuit Ataqatigiit)

Tunngavilersuut:

Aatsitassarsiornissamut misissuinerit ingerlaneranni apeqqutit qulaajarneqartariaqalersut takkupput, GME akuersissummik itigartitsisummilluunniit tunineqarsinnaanera pillugu siornatigut Naalakkersuisumiit akissutigineqarsimasut atuukkunnaarsimasutullusooq nipillit eqqartorneqalerma. Aamma pineqartumi apeqqut piiaanissamut akuersissummik suli pisoqarsimannnginnermi, Naalakkersuisut itigartitsissappata aatsitassarsiorniartut taarsiivigineqarsinnaatitaannginnerannut akissut 13. maj 2016-meersoq nr. 2016-115, taamani Naalakkersuisup Randi Vestergaard Evaldsenip akissutaa suli atuunnersoq paaserusukkatsigu.

Ullut qulit suliffiusut iluanni akineqarnissara naatsorsuutigaara.